

թեացի և ուսումնաւորեսցի ամենայն զինուորս բնակեալ 'ի յերեսս երկրի վիճակին երևանու, և տուաք հրաման քեզ 'ի ժամանակի խաղաղութեան և պատերազմի ամենայն շաբաթի ընծայեսցես լուր կացութեան աշխարհին և կառավարութեան քոյ 'ի դրունս տանն հայոց, և կալով մնացես 'ի վերայ պաշտօնի իշխանութեան վիճակի քոյ հաւատարիմ տանն հայոց, գրուեցաւ 'ի դրունս և այլն:

Վկայեմք, որ ձեռնադրեցին, կնքեցին և յանձնեցին.

Ս. Տ. Օ

Վ. Տ. Օ

Գ. Տ. Օ

Մ. Ի. Օ

Մ. Գ. Օ

Օրինակ Ուխտագրութեան:

Գ Լ Ո Ւ Մ Ձ Ա.

Յայտնի լինի ամենեցուն, որ ես Սողոմոն որդի Մինասայ գանձակու վաճառականս, և հայրապետ որդի Միքայէլի ճարաբերթու հովիւս միասին ուխտ եղաք և միջի մերոյ դաշինս հաստատեցաք, որ ես Միքայէլ հովիւս պարտական արարի իմ անձն և կտակակատար և ամենայն ստացուածքն Տեառն հայրապետ որդոյ Միքայէլի որ ներքոյ թուէն վեց ամիս ժամանակաւ 'ի քա-